

證治彙補

	午2
	73
	共8冊



滄瀆李星菴著

證治彙補

錢塘周懋琦



證治彙補序

陶隱居曰余宅身幽嶺迄將十載雖每植德施工多止一時之設可以傳芳遠裔者莫過于撰述故隱居于脩真之餘撰藥總



北京中醫藥大學圖書館版權所有

訣肘後方本草三書唐司馬子
微所稱闡幽前秘擊蒙後學者
也自炎帝嘗草軒皇作經降及
後代莫不有書故世得其濟民
無天札是則闡幽擊蒙端賴于

撰述矣苟無傳書雖善息脈如
俞附善處方如桐君亦惟自神
其伎耳將何以廣其傳以共濟
群生哉上海李惺菴先生才敏
識精以其餘學傍究醫術息脈



處方有驗精良博采軒岐以來
諸書條貫辨淝標奇舉要集為
一編命之曰證治彙補予讀而
嘉之以為越人淳于雖神奇難
遇今可以探之枕笥而得矣扁

鵲傳曰人之所病病疾多而醫
之所病病道少病疾多者言病
其疾之症多也病道少者言病
其治療之道少也拙工抵滯不
能旁通是以病道少也茲書別

為八門統以十事參伍錯綜應
變無窮何患其道少乎鍾律至
徵也昔人以辨症切脈比之兵
法至變也昔人以製方用藥比
之茲書十事之中始于病因終

於方劑臨症施治燎然於心目
又何患其微且變乎甚矣惺菴
之施博而功大也蘇子瞻云蜀
有學醫人費之諺太倉公對詔
問曰臣意心不精脉時時失之

不能全也太倉公醫之聖而至
于神者也心偶不精猶或失之
況今之為醫者乎吾願讀是書
者用心必精毋馳名于毋驚於
利學之萬全而後用之不然必

費人矣可不懼哉

康熙辛未七月崑山弟徐秉義

書



南京中醫藥大學圖書館版權所有

小序

夫書以載道非博無由考其詳學以窮理
非約不能操其要神明於博約之間而精
一之道坦然昭著矣岐俞之學自皇古而
遞至

朝從廟堂而數夫草澤千載羣書真足克

棟不患乎書不博而患用書者驚博也不
患乎說不約而患立說者拘約也何則索
隱之材駕前哲而攻已成之論庸常之質
守一家而泥偶効之方所以異學爭鳴同
人互駁求其貫通素難出入緩和者幾罕
覩矣予也謬叨家學上參三墳之典下考

往哲之書審其異同窮其辨論始知古人
立說適所以相濟而非相悖也如仲景治
冬寒而河澗發明溫暑潔古理脾胃而東
垣發明內傷子和攻痰飲而丹溪發明陰
虛此六家者古今稱爲醫學之宗迨夫冬
寒之論至王安道而中寒傷寒始明溫暑

之論至巢元方而熱病中暑方晰內傷之
論得羅謙甫而勞傷食傷乃別痰飲之中
分濕痰燥痰其說明於隱君陰虛之中分
眞陰眞陽其論剗自叔和乃知古人立說
各有一長取其所長合爲全璧先聖後聖
其揆一也然廣徵萬卷恐多岐亡羊專執

一說是守株待兔不若內遵經旨外律諸
家者爲當耳于是不揣孤陋取古人書而

彙集之刪其繁而存其要補其缺而正其

偏每症列成一章每章分爲數節其間首

述靈素示尊經也下註書目傳道統也冠

以大意提綱領也贅以管見補遺畧也稿

凡三易輯成數卷顏其端曰證治彙補蓋
欲以彙合古人之精意而補古人之未備
也大概此集編次法卽爲臨症審治法先
以病因詳標本也次以外候察病狀也次
條目審經絡也次辨症決疑似也次脉象
憑折衷也次治法調虛實也次切法垂奇

